



李太白文集卷之八

錢塘 王琦琢崖輯註

趙樹元石堂較

古近體詩共五十三首

秋浦歌十七首

唐池州有秋浦縣其地有秋浦水故取以立名隸江南西道

秋浦長似秋蕭條使人愁客愁不可度

繆本作渡

行上東

大樓正西望長安下見江水流寄言向江水汝意憶

儂不遙傳一掬淚為我達揚州

江南通志大樓山在池州府城南六十里

自稱我為儂吳語也小爾雅兩手謂之掬○不方鳩切音近浮掬音菊

其二

秋浦猿夜愁黃山堪白頭青溪非隴水翻作斷腸流
欲去不得去薄遊成久遊何年是歸日雨淚下孤舟
江南通志黃山在池州府城北五里源出考溪與上路嶺水合流
溪在池州府城北五里源出考溪與上路嶺水合流
經郡城至大江隴頭歌隴頭流水鳴聲幽咽
遙望秦川肝腸斷絕謝靈運詩薄游似邴生

其三

秋浦錦駝鳥人間天上稀山雞羞淥水不敢照毛衣

太平寰宇記歙州土產駝鳥郡國志云銅下青黃相
映若垂綬其狀如蜀雞背如朱祥符新安圖經鷓鴣鳥
一名楚雀尤愛其羽中增弋則守死不動海錄碎事
駝鳥出秋浦如吐綬雞博物志山雞有美毛自愛其
色終日映水
目炫則溺死

其四

兩鬢入秋浦一朝颯已衰猿聲催白髮長短盡成絲

陸放翁曰李太白往來江東池州所賦尤多如秋浦歌十七首及九華山清溪白筇陂玉鏡潭諸詩是也
秋浦歌云秋浦長似秋蕭條使人愁又云兩鬢入秋浦一朝颯已衰猿聲催白髮長短盡成絲則池州之風物可見矣然觀太白此歌高妙乃爾則知姑熟十咏決為贋作也杜牧之池州諸詩正爾觀之亦清婉可愛若與太白詩並讀醇醪異味矣

其五

秋浦多白猿超騰若飛

蕭本作冰

雪牽引條上免飲弄水

中月

新序子獨不見夫玄猿乎當其居桂林之中峻葉之上從容游戲超騰往來

其六

愁作秋浦客

一作曲

强看秋浦花山川如剡縣風日似

長沙一統志秋浦在池州府城西南八十餘里閩三
越州會稽郡東南一百八十里唐時潭州治長沙縣
亦謂之長沙郡隸江南西道瀟湘洞庭皆在其境內
音○刻
閔

其七

醉上山公馬寒歌甯戚牛空吟白石爛淚滿黑貂裘

山公乘馬事見五卷襄陽曲註藝文類聚琴操曰甯
戚飯牛車下叩角而商歌曰南山矸白石爛生不逢
堯與舜禪短布單衣裁至晉長夜冥冥何時旦齊桓
公聞之舉以為相戰國策蘇秦說秦王說十上而說
不行黑貂之裘
敝黃金百斤盡

其八

秋浦千重嶺水車嶺

一作人行路

最奇天傾欲墮石水拂

寄生枝

一統志水車嶺在池州府齊山五里為水車

嶺陡峻

臨淵奔流冲激恒若拮擗之聲舊註以為在

齊山者誤

名醫別錄寄生松上楊上楓上皆有形類

一般

但在根節之內葉圓青赤厚澤易折旁自生枝節

冬夏生

四月花白五月寔赤大如小豆處處皆有蜀

本草諸樹多有寄生莖葉並相似云是烏鳥食一物

子糞落樹上感氣而生葉如

橘而厚軟莖如槐而肥脆

其九

江祖

一片石青天掃畫屏題詩留萬古綠字錦苔生

一統志江祖山在池州府城西南二十五里有一石

突然出水際其高數丈上有仙人蹟名曰江祖石

其十

千千石楠樹萬萬女貞林山山白鷺

一作

滿澗澗白

猿吟君莫向秋浦猿聲碎客心仿首四古詩中皆疊二字蓋

草一體唐本草石南葉似蒟草凌冬不凋關中者葉

細江以南者葉長大如枇杷顏師古漢書註女貞樹

其十一

邏人胡本橫鳥道江祖出魚梁水急客舟疾山花拂

面香胡震亨曰貴池志城西六十里李陽河出李陽

高山湛鑿新河以避其勢今本作邏人誤琦按鳥道是

磯石當之亦恐未是又魚梁論其跡亦當在池州註

者或以徽州之魚梁當之不知徽州之水南流入于

其十二

浙江池州之水北流入于安慶大江源流各

異未可混也○邏郎佐切羅去聲又音羅

水如一足練此地即平天耐可乘明月看花上酒船
論衡見其上若一匹練狀練熟素繒也田汝成曰杭人言室可曰耐可音如能可漢書揚越之人耐暑註與能同鄭康成禮記註耐古書能字也

其十三

淥水淨素月月明白鷺飛郎聽采菱女一道夜歌歸
爾雅翼吳楚之風俗當菱熟時士女相與采之故有采菱之歌以相和為繁華流蕩之極

其十四

爐火照天地紅星亂紫烟赦郎明月夜歌曲動寒川

琦按唐書地理志秋浦有銀有銅此篇蓋咏鼓鑄之景也楊註以為煉丹之火蕭註以為漁人之火此二火者安能照天地耶赦與郎同面慚而赤也楊註言媿汝明月之夜歌曲之聲振動寒川蕭註郎吳音

也歌者助語之辭未知是
否○○赦乃版切難上聲

其十五

白髮三千丈緣愁似箇長不知明鏡裏何處得秋霜

起句怪甚得下文一解字字皆成妙義詢
非老手不能尋章摘句之士安可以語此

其十六

秋浦田舍翁採魚水中宿妻子張白鷗結罾映深竹

圖經本草白鷗出江南雉類也白色而背有細黑文
可畜西京賦結罾百里薛綜註罾網也○罾咨邪切

嗟音

其十七

桃波一步地了了語聲聞閭與山僧別低頭禮白雲

集內有清溪玉鏡潭詩謂潭在秋浦桃胡陂下然則桃波其桃陂之訛歟閭默也○閭音陰又音菴

當塗趙炎少府粉圖山水歌

唐時宣城郡有當塗縣隸江南西道

少府縣尉之稱清波雜志古治百里之邑令拊其俗尉督其奸故令曰明府尉曰少府

令拊其俗尉督其奸故令曰明府尉曰少府

少府以亞于縣令

峨眉高出西極天羅浮直與南溟連名工

蕭本繹思作公繹思

揮綵筆驅山走海置眼前滿堂空翠如可掃赤城霞

氣蒼梧烟洞庭瀟湘意渺緜三江七澤情洄沿驚濤

洶湧向何處孤舟一去迷歸年征帆不動亦不旋飄

如隨風落天邊心搖目斷興難盡幾時可到三山巔

西峰崢嶸噴流泉橫石蹙水波潺湲東崖合沓敞輕

霧深林雜樹空芊綿此中冥昧失晝夜隱几寂聽無

鳴蟬長松之下列羽客對座不語南昌仙南昌仙人

趙夫子妙年歷落青雲士訟庭無事羅衆賓杳然如

在丹青一作霄裏五色粉圖安足珍真山蕭本作仙可以全

吾身若待功成拂衣去武陵桃花笑殺人峨眉山通志

嘉定州峨眉縣南一百里兩山相對狀如蛾眉故名

周圍千里高八十里有石龕一百一十二大小洞四十

南北有臺重巖複澗莫測遠近為蜀山第一佛刹以

千百計昔西竺僧謂其高出五岳秀甲九州為震旦

國第一山元和郡縣志羅浮山在循州博羅縣西北

至與羅山並體故曰羅浮山高三百六十大丈周迴三百

二十七里峻天之峯四百三十有二莊子南溟者天

池也李洪範曰廣大寔冥故以溟為名謝靈運詩空

翠難強名薛應旂浙江通志赤城山在台州天台縣

北六里土皆赤色狀似雲霞望之如雉堞然右有玉
京洞道書第六洞天也蒼梧烟用蒼梧白雲事見七
卷註洞庭瀟湘俱見惜餘春賦註三江之名不一以
岷山之江為中江岷山為北江豫章之江為南
江此說禹貢之三江也或以松江為三江此錢塘江浦陽江為
三江或以松江為三江此說吳越之三江
也或以岷江為西江澧江為中江湘江為南江此說
岳陽之三江也此詩從畫意泛說不必定指一處子
虛賦楚有七澤後只稱雲夢一澤其六皆未詳所在
謝靈運詩水涉盡洄沿逆流而上曰洄順流而下曰
沿三山蓬萊方丈瀛洲三仙山也謝靈運詩石淺水
潺湲李善註潺湲水流貌呂延濟註潺湲水聲謝朓
詩茲山亘百里合省與雲齊呂向註合省高貌謝朓
詩阡眠起離樹呂延濟註阡眠遠望貌芊綿即阡眠
也王弼易註造物之始始于冥昧鮑照蕪城賦凝思
寂聽水經註漢成帝時九江梅福為南昌尉後一
捨妻子去九江傳云得仙武
陵桃花見二卷註○沿音延

永王東巡歌十一首

舊唐書永王璘玄宗第十
六子也天寶十四載十一

月安祿山反范陽十五載六月玄宗幸蜀至漢中郡下詔以璘為山南東路及嶺南黔中江南西路四道節度採訪使江陵郡大都督七月璘至襄陽九月至江陵召募士將數萬人恣情補署江淮租賦山積於江陵破不用鉅億因有異志肅宗聞之詔令歸覲于蜀璘不從命十二月擅引舟師東下甲仗五千人趨廣陵璘生于宮中不更人事其子襄城王陽勇而有力遇兵權為左右眩惑遂謀狂悖

永王正月東出師天子遙分龍虎旗樓船一舉風波

靜江漢翻為雁驚池駱賓王蕩子從軍賦樓船一舉爭沸騰漢書嚴助傳陛下以四

海為境九州為家八數為圍江漢為池太平御覽圖經曰梁孝王有雁驚池周圍四里梁王所鑿王筠詩

日照駕鶩殿萍生雁驚池蕭士贇曰咏永王出師而表之以天子遙分龍虎旗者夫子作春秋書王之意

也百世而下未有發明之者○驚音木務二音

其二

三川北虜亂如麻四海南奔似永嘉但用東山謝安

石為君談笑靜胡沙

三川謂洛陽北虜謂祿山永嘉五年劉曜陷

洛陽百官士庶死者三萬餘人中原衣冠之族相率南奔避亂江左舊唐書兩京蹂躪于胡騎士君子多以

家渡江東

其三

雷鼓嘈嘈喧武昌雲旗獵獵過尋陽秋毫不犯三吳

悅春日遙看五色光

荀子雷鼓在側而耳不聞楊倞註雷鼓大鼓聲如雷者鮑照詩

嘈嘈晨鼓鳴李善註埤蒼曰嘈嘈聲衆也上林賦靡雲旗張揖註畫熊虎于旒為旗似雲氣鮑照詩獵獵

曉風適呂延濟註獵獵風聲武昌縣名唐時屬鄂州江夏郡東至尋陽郡六百里尋陽亦縣名唐屬江州

等陽郡以在尋水之陽故名後漢紀鄧禹佐命位冠
諸臣嘗言曰我嘗將百萬衆秋毫無犯未嘗妄殺一
人子孫必當大興范成大吳郡志三吳之說世未有
定論十道四番志以吳郡及丹陽吳興為三吳又以
義興吳興及吳郡為三吳郡國志謂吳興義興吳郡
為三吳又云丹陽亦曰三吳元和郡國志亦曰吳郡
郡與吳興丹陽為三吳鄺元註水經云建中陽羨周
嘉上書以縣遠赴會至難求得分置遂以浙江西為
吳東為會稽後分為三號三吳吳興吳郡會稽其一
馬越絕書軍上有氣五色相連與天相抵此天應不
可攻攻之無後南史王僧辯
傳賊望官軍上有五色雲

其四

龍蟠虎踞帝王州帝子金陵訪古邱春風試煖昭陽

殿明月還過鳩鵲樓一統志南京古金陵之地自周
末時已有王氣秦始皇謂東南

有天子氣諸葛亮謂龍蟠虎踞真帝王之都即此地
也謝朓詩金陵帝王州南齊書羊貴嬪居昭陽殿西

范貴妃居昭陽殿東隋書侯景作亂遂居昭陽殿一
統志昭陽殿乃太后所居在臺城內吳均詩春生鵝
鵝樓是皆為金陵之昭陽殿鵝鵝
樓也舊註以為在長安者非是

其五

二帝巡遊俱未迴五陵松柏使人哀諸侯不救河南

地更喜賢王遠道來

時玄宗在蜀肅宗即位靈武故云二帝巡遊俱未迴五陵高祖

太宗高宗中宗睿宗之陵也唐會要高祖葬獻陵在京北府三原縣界太宗葬昭陵在京北府醴泉縣界高宗葬乾陵在京北府奉天縣界中宗葬定陵在京北府富平縣界睿宗葬橋陵在京北府奉先縣界揚齊賢曰河南洛陽也時祿山據洛陽

其六

丹陽北固是吳關畫出樓臺雲水間千巖烽火連滄

海兩岸旌旗繞碧山

唐時江南東道有丹陽郡即潤州也領丹徒丹陽金壇延陵四

縣今為鎮江府太平震字記北固山在潤州三面臨北一里南徐州記云城西北有別嶺斜入江懸

水峻壁數十丈號曰北固劉禎京口記云回嶺入江懸水峻壁舊北顧作固字梁高祖云作鎮作固誠有其

語然北望海口寔為壯觀以理而推宜改為顧望之顧輿地志云天清景明登之望見廣陵城如在青霄

中相去鳥道五十餘里方輿勝覽北固山在鎮江府州北一里迴嶺下臨長江其勢險固即府治所據及

甘露寺基建康寔錄梁武帝幸京口登北固樓遂改名北顧

其七

王出三江

蕭本作山

按五湖樓船跨海次揚

蕭本作陪非

都戰

艦森森羅虎士征帆一一引龍駒

周禮東南曰揚州其川三江其浸五

湖賈公彥疏按禹貢云九江今在廬江至尋陽南合為合為大江揚州所以得有三江者江至尋陽南合為